

黃帝內經素問註證發微卷四

明太醫院正文會稽庠生元臺子馬蒔仲化註證

通評虛實論第二十八

評論也。內論病有虛實之義故名篇。

黃帝問曰。何謂虛實。岐伯對曰。邪氣盛則實。精氣奪則虛。此先明虛實二字之義也。言人非無故而實。以邪氣盛則實耳。邪氣盛者。外感也。非無故而虛。以正氣奪則虛耳。正氣虛者。內傷也。

帝曰。虛實何如。岐伯曰。氣虛者。肺虛也。氣逆者。足寒也。非其時則生。當其時則死。餘藏皆如此。

此舉肺虛一藏。其生死必隨乎時。而可以例諸藏也。肺



黃帝內經素問註證發微卷四

明太醫院正文會稽庠生元臺子馬蒔仲化註證

通評虛實論第二十八

評論也。內論病有虛實之義故名篇。

黃帝問曰。何謂虛實。岐伯對曰。邪氣盛則實。精氣奪則虛。此先明虛實二字之義也。言人非無故而實。以邪氣盛則實耳。邪氣盛者。外感也。非無故而虛。以正氣奪則虛耳。正氣虛者。內傷也。

帝曰。虛實何如。岐伯曰。氣虛者。肺虛也。氣逆者。足寒也。非其時則生。當其時則死。餘藏皆如此。

此舉肺虛一藏。其生死必隨乎時。而可以例諸藏也。肺



北京中医药大学图书馆藏

主氣氣虛者肺虛也。氣逆者氣上行而逆則在下之足
以無氣而寒。故此肺虛而非相尅之時則生。如春秋冬
是也。如遇相尅之時則死。如夏時之火是也。餘藏虛者
其生死亦如此而已。夫帝問虛實而伯先以虛爲對。未
及於實也。

帝曰。何謂重實。岐伯曰。所謂重實者。言大熱病氣熱脉滿
是謂重實。重平聲後同

此言病有重實之義也。大熱爲病邪氣甚熱。以後文寒氣暴上脉

滿而實照之則此氣熱者邪氣熱也非人之中氣也其脉甚滿是實而又實謂之

重實也。

帝曰：經絡俱實，何如？何以治之？岐伯曰：經絡皆實，是寸脈急而尺緩也，皆當治之。故曰：滑則從，濇則逆也。夫虛實者，皆從其物類始。故五藏骨肉滑利，可以長久也。帝曰：絡氣不足，經氣有餘，何如？岐伯曰：絡氣不足，經氣有餘者，脉口熱而尺寒也。秋冬爲逆，春夏爲從。治主病者。帝曰：經虛絡滿，何如？岐伯曰：經虛絡滿者，尺熱滿，脉口寒濇也。此春夏死，秋冬生也。帝曰：治此者，柰何？曰：絡滿經虛，灸陰刺陽。經滿絡虛，刺陰灸陽。

此節卽經絡俱實，絡虛經實，經虛絡實者，而擬其脉體，決其死生，分其治法也。經者，十二經也。絡者，十五絡也。

虛者。卽前精氣奪則虛也。實者。卽前邪氣盛則實也。經
爲陽。絡爲陰。故經中亦有屬陰者。而以絡並之。則經皆
爲陽。絡中亦有屬陽者。而以經並之。則絡皆爲陰。寸部
爲陽。尺部爲陰。急脉爲陽。緩脉爲陰。滑脉爲陽。濇脉爲
陰。脉熱爲陽。脉寒爲陰。今寸部急而見陽。是經實也。尺
脉緩而見陰。是絡亦實也。所謂經絡俱實也。必其急緩
之脉帶滑。則爲順而生。帶濇則爲逆而死。何也。大凡物
類皆有虛實。必滑澤則生。枯濇則死。非特脉爲然也。故
五藏骨肉滑利。所以其脉亦滑。可以長久而生也。若五
藏濇滯。則其脉亦濇。必不能長久而死矣。何以異於物。



類也哉。其有絡氣不足，經氣有餘，是絡虛經滿也。惟經氣有餘，故脉口熱。唯絡氣不足，故尺部寒。春夏屬陽，合經與寸。秋冬屬陰，合絡與尺。惟脉口熱而尺部寒，故時逢秋冬，則陰氣盛而脉口不宜熱。熱爲逆而死。時逢春夏，則陽氣高而脉口宜熱。尺中宜寒，當爲順而生。卽主病者而治之。何經有餘，則寫之。何絡不足，則補之。其有經氣不足，絡氣有餘者，卽經虛絡滿也。滿者，實也。唯絡脉滿，故尺部亦熱滿。惟經脉虛，故脉口亦寒濇。春夏應經與寸，所以寒濇則死。秋冬應絡與尺，所以熱滿而生。不言治主病者，卽上文可以例推也。治主病者何如，絡

為陰。今滿則灸之。虛則刺之。經為陽。今滿則灸之。虛則

刺之。由此觀之。則大抵灸主於寫。而刺則可補也。

帝曰。何謂重虛。岐伯曰。脉氣上虛尺虛。是謂重虛。帝曰。何

以治之。岐伯曰。虛謂氣虛者。言無常也。尺虛者。行步怛然

脉虛者。不象陰也。如此者。滑則生。濇則死也。

按甲乙經作脉虛。脉之下

缺一虛字。氣虛。氣之下多一上字。尺虛。三者並虛為當。故

下文以氣虛尺虛脉虛為答。詳上文重實以氣熱脉滿為

重實。此節脉虛氣虛尺虛為重虛者。甚有理。不但尺

寸俱虛為重虛也。王氏似未當還以甲乙經為的。

此言病有重虛之義也。脉虛氣虛尺虛。謂之重虛。氣虛

者。真氣不足也。故脉動無常。尺虛者。腎氣不足也。故行

步怛然。脉虛者。手太陰寸口所見之脉。按之不應手也。



如此三虛。是謂重虛。若帶滑利則生。否則滯而死矣。
帝曰。寒氣暴上。脉滿而實。何如。岐伯曰。實而滑則生。實而逆則死。

此言氣寒而脉實者。亦以滑爲生。而滯爲死也。帝言上文氣熱脉滿。已謂重實。必滑則從。滯則逆。今者寒氣暴上。脉亦盛滿。與氣熱脉滿者異。其於滑滯逆從。生死何如。伯言不問寒熱。止論滑滯。雖因寒而實。必其脉滑而爲順則生。脉滯而爲逆則死也。

帝曰。脉實滿。手足寒。頭熱。何如。岐伯曰。春秋則生。冬夏則死。

此卽脉證雜見陰陽者。而以時決其死生也。脉實滿者。是陽脉也。頭熱者。是陽證也。皆邪氣有餘也。手足又寒。是陰證也。乃真氣又虛也。若此者。真邪不分。陰陽相雜。然春秋者。陰陽未盛之時也。正平和之候。故生。冬夏者。偏陰偏陽之時也。脉盛頭熱者。不能支於夏。手足寒者。不能支於冬。故死。

脉浮而濇。濇而身有熱者死。

此言證與脉反者死也。脉浮而濇。乃肺脉之應於秋者也。而身有熱。則火盛金衰。主死。此前後無問答之語。疑爲錯簡也歟。



帝曰其形盡滿何如岐伯曰其形盡滿者脉急大堅尺瀦而不應也如是者從則生逆則死帝曰何謂從則生逆則死岐伯曰所謂從者手足溫也所謂逆者手足寒也脉當

有口

此言陽病者當得陽脉陽證也身形盡滿乃陽病也氣口之脉急大而堅是陽脉也宜尺部則瀦而不相應耳然必手足溫者是陽證也故有是脉有是證則爲從而生否則脉雖急大堅而手足反寒是謂逆而死也

帝曰乳子而病熱脉懸小者何如岐伯曰手足溫則生寒則死帝曰乳子中風熱喘鳴肩息者脉何如岐伯曰喘鳴



肩息者。脉實大也。緩則生。急則死。

此言乳子脉與病反者。復有他證可驗。病證俱甚者。復有脉體可據。而決其死生也。乳子而病熱。陽證也。而脉則懸小。是陽證見陰脉也。然手足溫和。正氣猶存。脉雖懸小。特未大耳。故可以得生。否則手足寒而死矣。又乳子中風發熱。喘鳴肩息者。陽證也。脉當實大。惟實大中而緩。則邪氣漸退。可以得生。若實大中而急。則邪氣愈增。其病當死矣。

帝曰。腸澼便血。何如。岐伯曰。身熱則死。寒則生。帝曰。腸澼下白沫。何如。岐伯曰。脉沉則生。脉浮則死。帝曰。腸澼下膿。

血何如岐伯曰脉懸絕則死滑大則生帝曰腸澼之屬身不熱脉不懸絕何如岐伯曰滑大者曰生懸澹者曰死以藏期之

此言腸澼之屬有便血者有下白沫者有下膿血者隨證隨脉而可以決其死生也腸澼者大小腸有所辟積

而生諸證故腸澼爲總名而下三者爲諸證也生氣通天論曰

因而飽食筋脉橫解腸澼爲痔所以亦用便血者大便

中下純血也有等俗名腸風下血有糞前來者爲近血是腎肝有火糞後來者爲遠血是心肺有

火今茲腸澼便是血爲陰而下血爲陰證若身熱則火

盛故主死身寒則火衰故主生其下白沫者非膿非血

而白沫下行。是肺氣受傷也。然亦陰證之類。故脉沉則

生。以陰證宜見陰脉也。若脉浮則死。以陰證見陽脉也。

其下膿血者。赤白相兼。氣血俱傷。靈樞邪氣藏府病形篇謂之痼泄。難經謂

之大痼泄。後世曰痼。然脉以懸絕為死。正氣不足也。滑大則生。正

氣有餘也。帝問凡腸澼之屬。有身不熱。則證不死。脉不

懸絕。則脉不死。伯言終當以元氣為主。故脉必滑大。則

生。若懸澼則死。其死者。以藏期之。所謂肝見庚辛死。心

見壬癸死。肺見丙丁死。腎見戊己死。脾見甲乙死者。是

也。按脉訣云。下痢微小。却為生。脉大浮洪。無瘥日。今屢治此症。亦有滑大而生。沉小而死者。其懸澼之謂邪。

當以經言為的也。

帝曰：癰疾何如？岐伯曰：脈搏大滑，久自己；脈小堅急，死不治。帝曰：癰疾之脈，虛實何如？岐伯曰：虛則可治，實則死。此言癰疾之脈，得陽脈，虛脈而生也。癰疾者，陽證也。故搏大滑則陽證得陽脈，所以病久自己；若脈小堅急，則得陰脈，故死不治。然癰疾之脈，當有取于虛也。必搏大滑中帶虛，可治；若帶實，則邪氣有餘，乃死候也。脈訣云：病定癰狂，其脈實牢，保安吉。寸關尺部沉細時，如此未聞人救得，正與此大義相合。又按長刺節論第十一節，則刺狂癰有法，又以靈樞癰狂篇考之，則義無餘蘊矣。

帝曰：消癰，虛實何如？岐伯曰：脈實大，病久可治；脈懸小堅，病久不可治。

此言消痺之病得陽脉而生也消痺者熱證也故脉實

大雖病久亦可治若懸小堅又至於病久則益不可治

矣脉要精微論云痺成爲消中靈樞五變論消痺可參看

帝曰形度骨度脉度筋度何以知其度也方盛衰論云診

度肉度筋度俞度又按靈樞有骨度脉度篇名而又有經筋篇名至於形度則無之今帝以爲問而下文無答

語乃他篇之錯簡也

帝曰春亟治經絡夏亟治經俞秋亟治六府冬則閉塞閉

塞者用藥而少鍼石也所謂少鍼石者非癰疽之謂也癰

疽不得頃時回亟音棘塞入声

此言三時治病各有所宜而冬時則用藥而不用鍼也



春時治病治其各經之絡穴夏則治其各經之俞穴秋則治其六府冬則閉塞但用藥而不用鍼石所謂冬時少用鍼石者非謂冬時癰疽亦不用鍼石也彼癰疽不得頃刻挽回若不用鍼石以寫之則肉爛筋骨藏府豈得不用鍼石哉特謂他病則冬時不用鍼石耳

癰不知所按之不應手乍來乍已刺手太陰傍三指與纓脉各二按癰大熱刺足少陽五刺而熱不止刺手心主三刺手太陰經絡者大骨之會各三暴癰筋纒隨分而痛魄汗不盡胞氣不足治在經俞

痛音賄按腋同纒軟同

此承上文而言治癰之法有此三等也凡癰疽痛無定

所故按之不應手亦無定時故乍來而乍已當刺手太

陰肺經之傍三痛蓋肺經之穴在胷中者曰雲門今日

肺經之旁則是足陽明胃經氣戶等穴也刺瘡曰痛三

痛者三次也刺三次則有刺瘡者三其曰纓脉各二者亦以胃經

之穴如人迎水穴在結喉旁一寸五分則是結纓之所

故曰纓脉各二者左右各二也有等腋下生癰其體大

熱當刺足少陽膽經之穴五痛宜是膽經之淵液穴也

腋下一三寸宛宛中舉臂得之鍼三分禁灸若刺之而熱不止當刺手厥陰心

包絡經即手心主之穴三痛宜是天池穴也腋下一三寸

鍼二分又刺手太陰肺經之經穴經渠寸口陷中鍼絡

灸三壯